



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 98. Veruntamen dico vobis à modo videbitis filium hominis sedentem à dextris virtutis Dei, & venientem in nubibus cœli. v. 64.

urn:nbn:de:hbz:466:1-45515

Dei, & Respondet ei: Tu dixisti, quid est hoc? quantum capio, quantum sapio, multum dicit, sic loquendo Dominus meus Iesu: nam iste Caiphas ipse est, qui nuper dixerat, *Expedit unum mori pro populo, ut non tota gens pereat;* ipse est qui figuratum gerens pontificatum modo contra Leges omnes Pontificias & decorum, sedem suam deseruit, a surrexit vero Pontifici nostro Christo, quid igitur mirum si Christus ei sic responderet. Tu dixisti. O Christe Rex & Pontifex æterne bonam confessionem confessus es: jam venerat hora qua te aperte sub contestatione diuini nominis mundo palam proderes, quis essem, ut Iudeis & toti mundo omnem tolleres excusationem: ne quis postea dicere posset, se non audisse claram Christi confessionem, ut credere posset, esse ipsum Messiam. Quia ergo in hac quæstione vertebaratur cardo salutis nostræ (hoc enim ab omnibus sciri & credi oportebat, qui salvi esse vellent) confessus est se simul, licet cum manifesto vitæ suæ periculo, ob Romanorum & Iudeorum offensionem, & simul ipsum Pontificem piissime in suo scelere instruxit, ut intra se respiciendo non iret sese perditum, sed misericorde & cæcus errare perrexit.

Ego vero credo mihi Deus, credo te verum esse Messiam, qui venisti in hunc mundum, ut omnes saluos faceres, qui inuocant nomen sanctum tuum. Inuoco ego & agnosco te, mihi Iesu, doce me ergo facere voluntatem tuam, & honorare superiores Ecclesiæ sanctæ tuæ & patrem tuum in cœlis qui honorasti Pontificem in terris, iam suamet malitia exauthorandum, iniquum, & dyabolum, ita ut ad petitionem eius responderes ei, quis essem, ut nos te cognosceremus filium Dei viuentis, & honorem patris tui æterni declarasti, ut nos doceres etiam cum vitæ periculo veritatem fidei non negare, sed defendere, cum ita ratio & necessitas juberet.

s. 98. Veruntamen dico vobis à modo videbitis filium hominis sedentem à dextris virtutis Dei, & venientem in nubibus
cœli. v. 64.

Pergit confirmare quod dixit, cum ut clarior esset confessio suæ divinitatis, & plenior malorum iudicium instructio, his verbis: *Veruntamen dico vobis &c.* quasi diceret: Videor nunc vobis de filio Dei nihil profus habere, qui hic sto ante vos humiliatus nimis vincitus catenis, ab omnibus derelictus, irrisus, contemptus, vilis, pauper & inops: nolite tamen aspicere præsentem statum meum, sed aspicite futurum: veniet enim tempus quo rursum me videbitis, sed in maiestate, non ut modo in humilitate, sedentem à dextris Dei, id est, parem cum Deo gloriam habentem; venientem item in nubibus

nubibus cœli, iudicem omnis creaturæ, prout de me vaticinati sunt prophetae vestri. Igitur vae vobis, ô Caipha, vae vobis ô Sacerdotes & Principes iudæorum, qui vestrum modo iudicem iudicatis, quid erit vobis in die illa? utique ira & confusio. Credite filio Dei: definite iudicare perverse, ut non judicetis iustè: pœnitentiam agite in tempore, ut gratiam in futuro oblatam recipiatis: humiliamini sub potente manu Dei, ut exalteamini in die retributio-
nis. Sed frustra hæc surdis & hominibus gravi corde.

O Mi Iesu credo te filium Dei, adoro & te venturum Iudicem in nubibus cœli; sis precor propitius mihi misero peccatori in die illa magna & amara valde, quando cœli movendi sunt & terra. Ecce proijcio me nunc ad pedes tuos cum publicano, peccatus meum cunctus præ pœnitentia; con-
fiteor nimia peccata mea, humiliatus, contribulatus. Da gratiam animæ hu-
miliantis, ut in die illa tecum exaltari possit in cœlis.

§. 99. Tunc princeps Sacerdotum scidit vestimenta sua, dicens. v. 65.

Ad quid vestem lacerat Caiphas, cum sit prohibitum Pontifici scindere vestem Levit. 21? non caret magno mysterio ista insolens scissio. nimis ut Pontifice vero, quem pontificatus iudaicus præfiguraverat, iam præ-
sente, destinat, laceretur & pereat figura, sicut sole oriente nox & umbra fugatur. Vere implentur scripturæ, et si Pontifex Mosaicus hac cæmonia responsum Christi, tametsi verissimam & toti mundo adorandam, tanquam blasphemam exaggerarit, & hanc illicitam sibi scissuram procurave-
rit; sed, ut solent impii, etiam nescientes cooperantes consilio Dei, & proin-
de concilium totum ad condemnandum Christum ille accedit, fictum &
vanissimum religionis & gloriae divinae zelum prætendens.

Quid facis ô Caipha? agnosce te hominem & erubesce, vilis, qui tibi aliquid esse videris. Aspice, ut filius Dei ob peccata tua humiliatus est, ut gloria cœli, cuius celstudo omnem vincit intellectum, tui causa contempta & in nihilum redacta est per te. Adverte, vindictæ cupide, inflexibilis, crudi-
elis & impatiens terra pulvis, ut dominus dominorum omnem hauc gra-
vissimam afflictionem patientissime ferat. Certe in omni hac molestia &
iniuria nec semel eum inventies frontem in rugas contrahere, vel os aperire
ad maledicendum, aut manus ad vestem lacerandam, pro patris sui defen-
sione, ad immanem illam tuam calumniam.

O Iesu dulcis, Domine Deus meus, vix ferre potest cor sincere te amans,
quod ita te persequuntur, & despiciunt divinam majestatem tuam. &
inhumaniter te trahant impii isti Caiphas & Sacerdotes credere nolen-
tes verbis tuis verissimis. Ah! quis te rapacibus hisce lupis, & incredulis